

**2. fundur skólanefndar vegna Flúðaskóla árið 2016, haldinn 31. mars 2016 í Flúðaskóla, kl. 15:00. 9. fundur kjörtímabilsins 2014 – 2018.**

Mætt til fundar: Helgi Jóhannesson, formaður, Jón Bjarnason, Bjarney Vignisdóttir sem ritaði fundargerð, Guðrún Pétursdóttir skólastjóri, Jóhanna Lilja Arnardóttir, aðstoðarskólastjóri, Helena Eiríksdóttir, fulltrúi kennara, Erla Björg Arnardóttir, Anna Þórný Sigfúsdóttir, varamaður Ásmundar Lárussonar, Ingvar Hjálmarsson.

**Dagskrá:**

- 1. Skýrsla skólastjóra**
- 2. Rekstur 2015**
- 3. Fundargerð ungmennaráðs**
- 4. Framkvæmd skólastefnu**
- 5. Önnur mál**

Formaður setti fundinn og bauð viðstadda velkomna.

Gengið var til dagskrár.

**1. Skýrsla skólastjóra**

- ❖ Þorablót voru að venju haldin á yngsta- og miðstigi í byrjun febrúar, sem er skemmtileg hefð. Krakkarnir voru búin að undirbúa atriði og fengu svo að smakka á þorramat.
- ❖ Fimmtudaginn 11. febrúar fóru 8. - 10. bekkingar í skíðaferð í Bláfjöll sem skipulögð var af skóla og félagsmiðstöð. Gist var eina nótt og skíðað í frábæru veðri og færi.
- ❖ Þriðjudaginn 1. mars var boðið upp á fræðslu fyrir nemendur, foreldra og starfsfólk, á vegum Heimilis og skóla og SAFT. Nemendur fengu fræðslu á skólatíma en fyrirlestur fyrir foreldra og starfsfólk var kl 17:00 – 18:00 í Flúðaskóla. Allir kennarar mættu en aðeins sex foreldrar sáu sér fært að mæta.
- ❖ 10. bekkingar hafa fengið kynningu frá FSu og ML þar sem þeim var kynnt nýtt fyrirkomulag náms á framhaldsskólstigi. Foreldrum var boðið að mæta á þessar kynningar.
- ❖ Stóra upplestrarkeppnin var haldin í Flóaskóla fimmtudaginn 3. mars og við gerðum okkur lítið fyrir og nældum okkur í 1. og 2. sætið. Una Bóel Jónsdóttir lenti í 1. sæti og Aron Ernir Ragnarsson í 2. sæti, Halla Sigríður Bjarnadóttir umsjónarkennarinn þeirra og Sjöfn Sigurðardóttir sáu um að undirbúa þau fyrir keppnina.

- ❖ Suðurlandsriðill í Skólahreysti var haldinn 10. mars í íþróttahúsi Stjórnunnar í Garðabæ. Keppendur og stuðningslið Flúðaskóla stóðu sig mjög vel og lentum við í 2. sæti með 51 stig en liðið sem vann var með 54,5 þannig að mjótt var á munum. Keppendur fyrir hönd Flúðaskóla voru Heiðar Smárason, Birgit Ósk Snorradóttir, Helga Margrét Óskarsdóttir og Gabríel Logi Magnússon. Árni Þór Hilmarsson íþróttakennari hafði veg og vanda að þjálfun þeirra
- ❖ Skemmtileg og vel heppnuð árshátíð 1. – 7. bekkinga var haldin í Félagsheimili Hrunamanna miðvikudaginn 16. mars. Það voru litrík og skemmtileg atriði en þemað var Evrovísió. Nemendur og kennarar fóru þar á kostum fyrir fullu húsi og greinilega mikil vinna að baki.
- ❖ Fimmtudaginn 17. mars var árshátíð unglíngastígs haldin. Boðið var upp á hátíðarmat, myndband þar sem 10. bekkingar gerðu grín að kennurum og nemendum í leiklistarvali sýndu frumsamið leikriti sem nefnist *Tímínn líður hratt* í leikstjórn Árna Þórs Hilmarssonar og Helenu Eiríksdóttur. Þetta var í alla frábær skemmtun og okkur öllum til sóma.
- ❖ Framkvæmd hátíðarinnar var í höndum 9. bekkinga og rennur ágóði af skemmtuninni í ferðasjóð þeirra. Leikritið verður sýnt almenningi núna eftir páskafrí.
- ❖ Í vetur höfum við verið að keyra hraðlestrarnámskeið fyrir nemendum í 2., 3., 5., 8., 9. og 10. bekk. Þeir sem þegar hafa lokið námskeiðinu hafa sýnt umtalsverðar framfarir og því er þetta fyrirkomulag komið til með að vera með mismunandi útfærslu. Skólaþjónusta Árneshvíls leggur upp með að verkefnið sé keyrt í þremur árgöngum en við ákváðum að bæta fleiri bekkjum við.
- ❖ Fundur vegna námsmats í 10. bekk var haldið á vegum Menntamálastofnunar í febrúar á Selfossi. 10. bekkjar kennarar og stjórnendur mættu á fundinn sem var að mörgu leiti ágætur. En ekki fengust svör við öllum spurningum sem upp komu og margir ennþá mjög tvístígandi.
- ❖ Mikil vinna er í gangi vegna lokamats í 10. bekk og munu nemendur fá endanlegt skipulag á hvernig því verður háttað um miðjan apríl. Lokamat í bóklegum greinum verður með fjölbreyttu sniði þ.e. einstaklings- og hópverkefni auk prófa þar sem hæfniviðmið eru metin.
- ❖ Ytra mat á vegum Menntamálastofnunar verður aðra vikuna í apríl en þá koma matsmenn í skólann til að fylgjast með og taka viðtöl við rýnihópa.

## 2. Rekstur 2015

Skólástjóri fór yfir rekstur Flúðaskóla, mótuneytisins og Skólasels fyrir árið 2015. Heildarniðurstaðan er sú að reksturinn var rúma milljón undir áætlun. Gert var ráð fyrir kostnaði upp á 209,7 milljónir en niðurstaðan var 208,4 milljónir.

### **3. Fundargerð ungmennaráðs**

Kynnt var fundargerð 1. fundar ungmennaráðs og farið yfir það sem snýr að Flúðaskóla.

Skólastjórnendur benda á varðandi bókun vegna skyndihjálpar að sú bókun er byggð á misskilningi og jafnframt er bent á að starfsmenn skólans fari reglulega á skyndihjálparnámskeið.

Guðrún skólastjóri sagði frá því verið sé að vinna í því hjá Skóla- og velferðarþjónustu Árneshlíða að Uppsveitir og Flói ráði sameiginlegan námsráðgjafa.

Á næsta fundi hjá nemendaráði verður rætt um innkaup á húsgögnum og aðbúnað nemenda í Flúðaskóla.

### **4. Framkvæmd skólastefnu**

Guðrún kynnti vinnu starfsfólks um úttekt á framkvæmd skólastefnu. Samþykkt að taka málið aftur upp á næsta fundi.

### **5. Önnur mál**

Engin önnur mál tekin fyrir

Fleira ekki gert. Fundargerð lesin yfir og samþykkt.

Fundi slitið kl 15:50